



VRIESKAS GODSDIENSTE

IS U INGEËNT IN DIE WINGERDSTOK?

KORT GEDAGTES

Ek wonder ernstig oor hierdie gedagte van die HEILIGE GEES.....

VRIESKAS GODSDIENSTE

IS U INGEËNT IN DIE WINGERDSTOK?

Ek wonder ernstig oor die hierdie gedagte van die HEILIGE GEES.

Wanneer mens 'n vrug afpluk van sy plant word die voedingstof dadelik weggeneem. Die vrug moet nou kunsmatig aan die lewe gehou word, maar is eintlik besig om te vrot. So wat doen ons? ons sit so vinnig as moontlik die vrug in 'n yskas. Die koue help om die vrug langer mooi en vars te hou.

Maar na 'n paar dae, selfs in die yskas, word die vrug vrot verloor sy vorm en is nie meer eetbaar nie. Die vrug word dan weggegooi.

Het kerke vandag nie soos hierdie yskas geword nie? Baie kerke is ek jammer om te sê het vermaaklikheidskunstenaars geword, 'n plek waar die kinders en volwassenes vermaak moet word anders verloor hulle belangstelling. Daar moet gedurig aan nuwe maniere gedink word om die vrugte wat afgepluk is van die plant vars te hou. Preke word geskryf om dit so aantreklik as moontlik te maak. Vir 'n ruk lank gaan alles goed daar is liefde en vreugde en blydschap en hemelse sang, die kerk hou jou vars, laat jou goed en mooi lyk soos 'n Christen mos moet lyk!.

Maar dan gebeur die ondenkbare, hartseer pyn, dood, haat, en leuens. En die werke van die vlees, naamlik owerspel, hoerery, onreinheid, ongebondenheid, afgodery, towery, vyandskap, twis, jaloersheid, toornigheid, naywer, tweedrag, partyskap, afguns, moord, dronkenskap, brassery en ander dergelike dinge.

JESUS het eendag gesê:

Mar 10:17 En toe Hy op die pad uitgaan, hardloop daar een na Hom toe en val voor Hom op die knieë en vra Hom: Goeie Meester, wat moet ek doen om die ewige lewe te beërwe?

Mar 10:18 En Jesus sê vir hom: Waarom noem jy My goed? Niemand is goed nie, behalwe Een, naamlik God.

Geen Christen is 'goed' nie. Nie een nie. Maar JESUS kom en sê;

Joh 16:33 Dit het Ek vir julle gesê, dat julle in My vrede kan hê. In die wêreld sal julle verdrukking hê; maar hou goeie moed, Ek het die wêreld oorwin.

Moenie dat die duiwel jou vars hou in 'n leuen nie.

Spk 16:25 Daar is 'n weg wat vir 'n mens reg lyk, maar die einde daarvan is weë van die dood.

Onthou Christenskap word net nog 'n yskas godsdiens as mens jou eerste liefde verloor en, as die dinge van GOD belangriker word as die GOD van die dinge. So wat staan ons te doen?

Joh 15:1 Ek is die ware wynstok, en my Vader is die landbouer.

Joh 15:2 Elke loot wat in My nie vrug dra nie, neem Hy weg; en elke loot wat vrug dra, dié maak Hy skoon, sodat dit meer vrug kan dra.

Joh 15:3 Julle is alreeds rein deur die woord wat Ek tot julle gespreek het.

Joh 15:4 Bly in My, soos Ek in julle. Net soos die loot geen vrug kan dra van homself as dit nie in die wynstok bly nie, so julle ook nie as julle in My nie bly nie.

Joh 15:5 Ek is die wynstok, julle die lote. Wie in My bly, en Ek in hom, hy dra veel vrug; want sonder My kan julle niks doen nie.

Joh 15:6 As iemand in My nie bly nie, word hy uitgewerp soos die loot en verdroog, en hulle maak dit bymekaar en gooi dit in die vuur, en dit verbrand.

Joh 15:7 As julle in My bly en my woorde in julle, sal julle vra net wat julle wil hê, en julle sal dit verkry.

Joh 15:8 Hierin is my Vader verheerlik, dat julle veel vrug dra; en julle sal my dissipels wees.

Joh 15:9 Soos die Vader My liefgehad het, het Ek julle ook liefgehad. Bly in hierdie liefde van My.

Joh 15:10 As julle my gebooie bewaar, sal julle in my liefde bly, net soos Ek die gebooie van my Vader bewaar en in sy liefde bly.

Joh 15:11 Dit het Ek vir julle gesê, dat my blydschap in julle kan bly en julle blydschap volkome kan word.

Joh 15:12 Dit is my gebod, dat julle mekaar moet liefhê net soos Ek julle liefgehad het.

Joh 15:13 Groter liefde het niemand as dit nie, dat iemand sy lewe vir sy vriende gee.

Joh 15:14 Julle is my vriende as julle alles doen wat Ek julle beveel.

Joh 15:15 Ek noem julle nie meer diensknegte nie, omdat die dienskneg nie weet wat sy heer doen nie. Maar Ek het julle vriende genoem, omdat Ek alles wat Ek van my Vader gehoor het, aan julle bekend gemaak het.

Joh 15:16 Julle het My nie uitverkies nie, maar Ek het julle uitverkies en julle aangestel om vrug te gaan dra en dat julle vrug kan bly, sodat wat julle die Vader ook al in my Naam vra, Hy julle dit kan gee.

Joh 15:17 Dit gebied Ek julle, dat julle mekaar moet liefhê.

Joh 15:18 As die wêreld julle haat, moet julle weet dat hy My voor julle gehaat het.

Joh 15:19 As julle van die wêreld was, sou die wêreld sy eiendom liefhê. Maar omdat julle nie van die wêreld is nie, maar Ek julle uit die wêreld uitverkies het, daarom haat die wêreld julle.

Joh 15:20 Onthou die woord wat Ek vir julle gesê het: 'n Dienskneg is nie groter as sy heer nie. As hulle My vervolg het, sal hulle jul ook vervolg. As hulle my woord bewaar het, sal hulle jul woord ook bewaar.

Joh 15:21 Maar al hierdie dinge sal hulle aan julle doen ter wille van my Naam, omdat hulle Hom nie ken wat My gestuur het nie.

Joh 15:22 As Ek nie gekom en met hulle gespreek het nie, sou hulle geen sonde hê nie; maar nou het hulle geen verskoning vir hul sonde nie.

Joh 15:23 Wie my haat, haat ook my Vader.

Joh 15:24 As Ek nie die werke onder hulle gedoen het wat niemand anders gedoen het nie, sou hulle geen sonde hê nie. Maar nou het hulle dit gesien, en tog het hulle My sowel as my Vader gehaat.

Joh 15:25 Maar die woord wat in hulle wet geskrywe is, moet vervul word: Hulle het My sonder oorsaak gehaat.

Joh 15:26 Maar as die Trooster gekom het wat Ek vir julle van die Vader sal stuur, die Gees van die waarheid wat van die Vader uitgaan, sal Hy van My getuig.

Joh 15:27 En julle getuig ook, omdat julle van die begin af met My is.

IS U INGEËNT IN DIE WINGERDSTOK?